




25 Jahr Nasegrübler



 ...oder dr'Afang vom Endi...

Mä glaubt das chum, es isch so wit,
unglaublich wie vergoht die Zyt.
Scho wieder es Jubileum isch jetz do,
uf 25 Jöhrli si mr cho.

25 Jahr das isch a langi Zyt,
was'es do alles für Kostüm git.
Mit guete Ideä und viel Elan,
hei mr aber jedes Jahr a guete Plan.

Mir si jo gli die einzigä z'Laufe,
wo ihri Kostüm nid gö go chaufe.
Mir die jedes Jahr alles sälber mache,
also bitte, do gits gar nüt z'lache.

Mir finge mir si ganz und gar speziel
und eifach ober-sensationel.
Den eusi Suchets si originel und guet,
mir Nasegrübler hei halt eifach Muet.

Musikalisch chöne mir also o guet mithalte,
mir si halt no einei vo dä Alte.
Wo no Stimmiglieder bringe,
aber o immer passendi neu Lieder finge.

Für das alles die mir ganz hert schaffe
und eimol i dr'Wuche Proob mache.
Euse Major duet eus zimlich schluche,
so dass mr halt ebe a Wuche Pause bruche.

Ä Probeweekend stoht o immer ah,
die letschte Jahr hei mr z'Altnau dörfe Party ha,
doch vorher heisst's dr ganzi Tag probe, probe, probe,
süscht gits kei Uftritt a dem Obe.

Mir wei jo dä Bundys öbis biete,
nid dört stoh wie die letschte Nietä,
doch mir häi i dere Bude grockt,
keine isch me ufm Stieli ghoggt.

Und jet stoht d'Fasnacht vor dr'Tür
und mir hei alles gä drfür.
Super Kostüm, tolli larve,
mir si das Jahr die Oberscharfe!

25 Jahr Fasnecht si vorbi,
die si alli eifach spitze gsi.
Mir dangge allne ob jung ob alt
für dä tolli Zämmehalt.

Mir hoffe s'goht no lang so witer,
ohni Räge, Schnee und süschtigi Gwitter.
Den ob im Norde, Süde oder Weschte,
mir Nasegrübler si die Beschte!

— Fasnecht 2009 —

